

Kautensafft wiederumb/ vnd wann die stette/ da der Kuche gelegen ist/ sehr
 reuchet/ so ist der Krebs oder etwas lebendiges darinnē/ so nimb nun zwanz
 zig Krebse/ die im Meyen gegriffen seynd/ seudt die mit Wein vnd brenn
 ne sie in einem Topffe also/ daß du sie pulverisiren kanst/ vnd nimb Rühes
 treck von einer rohten Ruche vnd truckne den/ stoß ihn auch zu Pulver/ vnd
 nimb Eschenholz/ schele die oberste schale davon/ vnd nimb alsdann der
 andern schalen ein gut theil/ treuge die/ vnd pulverisier die auch/ diese
 dreyerley Pulver/ mische wol durcheinander/ vnd trincke täglich von dem
 ein gut theil eyn/ womit du wilt/ vnd dieweil du von diesem trinckest/ soltu
 einmahl zur Adern lassen/ vnd wann du das Pulver alle gebrauchet hast/
 so lasse dir noch einmahl zur Adern/ das soltu thun im zeichen des Krebs/
 so wirstu nechst Gott genesen/ vnd ist durch diß mittel manchem geholffen
 worden.

Einen offenen Schaden zuheylen.

Nimb vnd thue gepulverisirte Krebsaugen in Essig/ vnd mische
 Salzwasser darunder/ so wirdt es weiß/ wie Milch/ damit bestreiche alte
 Schäden/ wie sie seyn mögen/ so heylet es dieselben.

Dörner/ Schieffer oder Eysen auch Pfeile vnd andere
 dinge/ die jemandt ins Fleisch gestochen oder ge
 stossen außzuziehen.

Man koche Krebse mit Honig/ vnd legs auff den Schaden/ so zeuche
 es auß/ solchs thun auch die Krebschären gestossen oder zerknisset vnd
 auffgelegt.

Item/ nimb ein baar Krebse/ stosse die also frisch auff's kleinste/
 darnach habe einen Bims den die Balbirer brauchen/ ist ein Schwanz
 wechselt runde/ vnd so er zeitig ist/ so ist er inwendig voller staub/ den tauche
 in den Krebsafft vnd lege es auff den Schaden/ binde es mit einem tuche
 zu/ vnd wann du solchs des Abends thust/ so findestu des Morgens frühe
 den Stiff oder Schieffer daraussen liegen/ vnd ist solches ein bewehrre
 stücke.

Item